

奉化縣志卷二

建置上

城垣

奉化城後據錦屏前依玉几左臨大澤右傍鳳山距郡南八十里

高二丈四尺據康熙志改原作一丈四尺誤址廣一丈二尺面廣一丈周圍一千

一十八丈延袤七里闢為四門東曰迎恩西曰順成南曰貞明北

曰起鳳門各有樓穴水門於西為上水門於東為下水門外自東

南臨龍溪以西為文昌溪北抵陵谷俱不設濠乾隆府志

唐建縣治城垣無攷宋有城周環六百四十八丈寶慶志案康熙志引作圖經

元為州城因之城門無名延祐志今莫詳其處然縣西有城西隩之

名疑其址與今治近明洪武初改州為縣在今址舊有城後廢嘉

靖中倭夷入寇縣令蕭萬斛築為城延袤總一千一十八丈高二

奉化縣志

卷二

建置上

一

丈四尺城之門四設二水門於東西其西北舊城從山圍繞康熙志

郡人張時徹慈人王交姚江胡正蒙並為之記張時徹記曰奉化縣志

為鄞地隸會稽郡隋并鄞入句章置鄞州唐改鄞縣開元中析置

為縣去郡治八十里為鄞鄉八為區十有四屬都五十二編戶一百

四十六里東北界於鄞南界甯海西北界嵊縣又東南界於象山

西南界於甯海依山為邑不城不隍自開國以來蓋百八十餘年

於茲矣值時方隆熙斗不警即有小偷縣官出紙捕治之餘無

不帖伏於法雖性易抵冒好鬪訟然皆狎於耕桑守在四境斬關

走壙之盜蔑如也歲豐時和則虜不夜吠外戶不扃以故訐謨樹

畫之吏非乏也而未始議城事嘉靖壬子倭寇聚內侵大掠於

黃巖自是破郡攻邑殆無虛日遠近播遷弗適有居而奉化四封

則故濱海也縣令蕭君顥眾而議曰夫令長之設以為民也民存

與存民亡與亡今寇患孔亟宵晝弗虞郊鄙之民猶得偵緩急存

頓榛莽一與之命維茲市廛固籠中禽耳且又賊所垂涎也若

灼之即瞬息燼矣令興寐所為惕若不能挽強挺銳與賊爭尺寸

之鋒計惟成城以守耳汝眾謂何諸士庶稽首曰非父母恩德不

及此敢不惟命蕭君乃悉從父老而相之四面率以舊郭門為

界此皆置門有蕭樓橫縮共一千一百八十八丈有奇費金一萬

二千三百五十兩有奇合用築戶三百七十三名乃上其事於當

道曰時拙舉贏自昔忌之今郡邑多事藏無滯蓄罔所取財若借

徵令身常徭而均役其力庶幾說以使民者乎其科算程督則不  
肖費較若畫一君乃時行作者而拊循之眾罔弗力工肇於乙  
卯正月五日迄於是年十二月六日雉堞連雲崇墉刺日屹若金  
湯之固由是賊凡三過其縣仰而睇之旌旗戈戟徧於樓櫓輒辟  
易以走蒸黎得保生聚靡有蕩析凡皆成城之功也諸士庶誦古  
之大事不可無紀而藤丞嚴君偲請謁於余余乃言曰余嘗誦古  
人言而宣明教化於殿邦保民不啻足矣而德不在險則力  
行仁義又明也蓋舞羽格苗修文致雉奚險之憑然而復隍之  
門禦暴斯又何也諄諄焉乎故求吏治於今日惟防禦為則  
虞苞桑之戒聖哲所為諄諄者乎故求吏治於今日惟防禦為則  
然耳又況倭寇縱橫燧交錯軫念時艱蕭君乃祇承德意作我  
急而催科聽斷不與焉耶當道軫念時艱蕭君乃祇承德意作我  
長城所謂能捍大患者非耶當道軫念時艱蕭君乃祇承德意作我  
矣且猶旦暮思之而況保衛室家永永不替者乎是孰能忘之斯  
舉也首議則監察林君應箕定議則巡撫王公忬胡公宗憲監察  
趙君炳然督課則參議許君東望知府邱君玳張君正和而知縣  
蕭萬斛則終始力任其事其士民佐役者并列之碑陰銘曰皇皇  
赤縣井井周衢生斯聚斯尹大夫伊何云都鄙蒸黎如穀斯抹  
之監撫諸司誰其司之令尹大夫伊何云都鄙蒸黎如穀斯抹  
如姬斯煦非棘其慾市也來趨樓櫓翼崇墉屹如寇用震賊有  
疾其驅草木弗薙井竈弗墟十百千襪永莫厥居其不然者為醢  
為雞孰是不鑿孰是不思金石可變功德靡渝謂予不信視此豐  
碑嘉靖三十五年歲次丙辰春二月朔

奉化縣志

卷二

建置上

二

側見嘉靖府志今不錄

萬厓間城中多火患縣令樊穀因士民之請

移築山下其南門麗縣治正南

康熙

順治四年知縣蔡周輔塞舊

南門開南門於縣治之東南

乾隆志

移東四十餘丈又增築甕城

順治戊戌令王奐增築雉堞厚二尺高四尺扁城之東門曰太乙

西曰金嶂南曰薰時北曰拱極康熙十二年令曹鼎臣改今址仍

舊制甲子夏南城門災各門樓俱圯丙寅令施剗曾重建四門修

築雉堞

康熙

雍正七年知縣王緯奉文修築并建城樓

乾隆志

道

光辛未南門圯重修

案今城門仍曰迎恩順成貞明起鳳

縣治

縣治在三鄉之會東南為坊隅隸奉化鄉西為四都隸連山鄉北

為三十九都隸禽孝鄉縣門曰宣明左曰新民右曰止善

案左右門俱廢

南為宣化坊

即尚書坊

又南為杜家橋

即嘉會橋

又二百步為南門洗馬橋

縣西為探花坊錦街三百步為廟橋城隍廟西門縣東百步折而

北五十步為察院司澄清坊廢今又百步為北門東為儒學學東為

公館橋今為舒文靖祠折而北為告成寺為連山驛址又折而東為布政

按察二分司廢今又東三百步為資福廟為東門蓋因倭變築城規

制甚隘區方五里縣署之外有儒學有三公署一驛址及二祠二

廟一寺戶不過二千東南有田若干畝康熙志

縣署宋建炎四年燬於兵紹興十三年令榮彝重建縣廳及仁平

齋聽事之東龍溪道院仁平齋之南恕堂廳事之西獄之側嘉泰間趙

彥縮為令邑人吳懋為縣家葺理獄室又以其餘材重建恕堂寶

慶間縣令樓紹昉重建縣樓門寶慶志元至元十三年復燬於兵令

王宗信重建二十八年丁濟拓大之王應麟為之記曰越之東境為鄞漢屬會稽唐合鄞於鄞開元中州以四明山名始建縣曰奉化其地則漢之鄞也古鄞城在焉鄞有大里黃公列於四皓卓乎千載人物之

奉化縣志

卷二

建置上

三

冠冕先賢流風所被其俗純如其土份如在九域志是謂望縣迪

簡墨綬長吏保綬受命民非才足以撥煩廉足以砥俗仁足以摩

拊疲瘵不賴以百里界也縣治燬於丙子師旅饑饉相仍道馳蒿

萊黎民困賴令長迫期會急繭絲慮弗及遠王尹宗信僅克剏聽

事三楹李尹天益纒縵吏舍襄賁丁君濟宰茲邑維武城之室單

父之堂所以疏視淪聽清應物之原若昔董安于治晉陽一牆一

柱猶不苟匪賁輪奐以為華壯棟宇以自奉也爰我龜趨之營

之任城王君澤為丞比善協志而新是謀邑士大夫咸勸趨之庶

工丕作民不知勞始辛卯之冬考成壬辰之秋丁君以書來曰

一日必葺古有明訓百堵皆興詩人詠焉聽事東西吾名以節愛

清安兩廡翼焉吾名以一清四畏堂曰得初以息以燕亭曰清斯

有沼有荷挹爽焉西山扁以高清殖殖其楹轍轍其門胥吏攸處下

速園扉粲然一新曷敢視官舍如蓬傳而怠厥事願諗後之人俾

勿壞余病耄不能文嘗謂君子為政其本自相在爾室始千室之

邑易治也一室之自治為難子程子之視民如傷子張子之訓民

善俗以一邑為天下之治為難子程子之視民如傷子張子之訓民

窈欲其一疾痛必聞如接几席胥徒囂悍欲其隱微必察如在戶庭

達於政蒲密中牟之化可復也詩曰無已太康職思其居然則居

此室可不敬歟聞丁君律已守公愛民束吏日蒞庠序惠訓不倦

多士訢訢誦子產之誨我子弟是能知本矣耆壽俊相與言曰茲

九不可不書乃不敢辭書其事詔永久用勉夫字民者至元二十

九年八月前進士王元貞元年陞為州即縣治為之皇慶元年本

應麟記延祐志

州達魯花赤木八刺率州人重建延祐志聽事三間扁曰遷善軒三

間副廳左右各三間吏目署於左後堂三間扁曰清畏陳高伯德政記略曰

門臺直達高鏡照市吏舍翼挾明廊映廳於是自書其所名署事之堂曰遷善表其樂於改過也後之登斯堂者曷敢不遷宴休之登斯堂者曷敢不懼乾隆志儀門吏舍庖福咸備州獄三間

前進士陳觀記至正志望山海風物之殊衣冠閱之盛自為縣時前人

紀述備矣然土瘠而民儉食於耕數登進為州官吏品秩以次俱謂其難而亦存乎其人也比年民數登進為州官吏品秩以次俱升獨蒞事所因循猶舊歲久漸弗支皇慶壬子達魯花赤木八刺公之來顧而歎曰縣之為州雖征賦所不增土地所不闢而今之

視昔難以槩論司存不壯麗難以視觀瞻既而耆年士民不謀同辭乃諗諸同僚上之統府上下胥悅鳩堅蒐良凡木植之可致者必厚直以屋廬之願售者必倍價以償工匠之勞夫丁之募皆日有給始於癸丑三月為廳為軒為幕為賓榮畫諾有堂宴息

有室不日皆成譙門吏庶狂狷垣墉次第具舉體制宏敞輪奐翬飛儼然千里之郡矣邦人欲頌公之德紀公之績舍儒者其誰與余不獲辭竊謂天下之事有志者竟成而事有非一朝一夕之可集亦非一手一足之能為其事豈易易惟公於民得之也有素使

### 奉化縣志

### 卷二

建置上

### 四

氣重者得其情而勿喜凡此皆所以作其謙遜之風道其君子長者之歸故是役也人之趨之如子弟之從其父兄聞者樂於勸役者忘其勞猗歟美哉今之仕也耳目不能周於簿書期會何暇他及亦有苟焉歲月視為傳舍不能一日葺甯有不愧於公若公之材試於一州者特出其緒餘吾知其去是而黼黻帝室柱石明堂有非此邦之士民所得私者矣同寅協恭實相斯舉敬書於

石前進士陳觀延祐志明洪武初圯令章彥 郭麟相繼修復永樂間令

裴琚成化中令曹瀾等相繼修復正廳三間名為忠愛堂原注舊扁曰勤

政曰 廳左為軍器庫又左為幕廳凡三間右為義仗庫又右為西

廳凡三間原注宏治二年令徐紹先修後東西列曹吏房科各十

五間原注東為承發司吏戶糧東南為土神祠凡三間西南為獄

禁凡五間獄禁北為存留預備二倉原注正統間縣丞黃甯宏治初令徐紹先相繼修復嘉靖

甲午乙巳令陳縞徐獻忠建 前為箴石亭原注名曰亭前為儀門

左右為從屋各三間原注嘉靖二十六年儀門外東西列榜廊各十

間原注舊圯正統間正廳後為又新堂凡三間原注舊扁曰學道

縣丞黃甯復建

桁題名成化中令曹瀾重修嘉  
靖三十六年令蕭萬斛又修  
邑人項守禮為之記曰侯軒

石磚之八年政熙民和百廢具舉既迺振邑治後堂之圯而新之材

減月而大工竣扁其堂曰又新朝夕退食於茲蓮幕方子徵記於

所左以貯錢帛右以寶聖駕迺歎曰茲堂之制又一新矣侯作而

曰又新之義如斯而已乎願乞一言以燕食規減峯子曰善哉

而己矣是忠與愛也非自外至也天命之性也吾心之德也虛靈

不昧塗人至於聖人一也體之於己謂之明德施之於人謂之新

君愛民之念時出而無滯日新而窮古之人兢兢業業克勤克

儉不邇不殖亦臨亦保率是道也此又新之規也我侯其進於是

矣乎侯江右英傑也其心忠君愛民之心也其強者鋤之歷久而弗懈

學也出而令吾邑也政之弊者更之民之強者鋤之其心翼然

惟恐其不及也左顧錢帛之藏而歎曰是食於茲堂也膏脂以實之也

吾之出納也非一日矣得無濫用也吾之瞻拜也非一日矣得

無有倦勤以污吾之忠者乎推是心也無終食之間違忠與愛

也立則參前以與則倚而施之政事之閒炳炳乎精明之流行

而意必固我之私不得以浼之由是而無倦焉性定而德立恒久

而己以之裁成天地以之輔相萬物胥此焉措之是之謂無負

奉化縣志

卷二

建置上

五

明德新民之實學而所謂又新者將無待於堂而得之矣邑之人  
士仰侯之成功文章警諸入明堂清廟之中見其重門層閣千圓  
萬方華采炫耀而不知所以創造之者規矩之外無他術也我侯  
又新之學其操規矩以出方圓者乎使嗣是而令者居斯堂也將  
必竦然動心愛護而時緝之又新之功永永不墜又孰有出於我  
侯規矩之外者乎侯拜而謝曰命之矣敢不佩服以為燕食規爰  
記其事於石以贊屋漏以詔來者侯名萬斛字時應別號俟軒吉  
之泰和人登嘉靖庚戌進士時嘉靖三十六年丁巳孟冬吉旦

堂之左為耳房庫右為黃冊庫堂之後正北為知縣宅後為吏舍

凡三十間

嘉靖志

崇禎間令胡夢泰皆加葺治

國朝康熙間忠愛堂圯令鄭愷重建扁曰親民令蔡毓秀張起貴

黃霽亦補修之雍正三年令黃霽建儀門乾隆六年令李從龍重

修又新堂更名翼翼堂二十五年令陳滋重修宣明樓三十二年

令陳九霄修東西曹房各十二間

乾隆志

咸豐十一年粵匪陷城衙

署多毀同治初年令徐傳冕康敬思相繼修大堂

舊親民堂

川堂

舊又新堂

二堂花廳幕室十二年令王福祥稟建監獄典史署十三年令周

祖升成之又修宣明樓光緒元年又建西花廳顏曰省心令周祖升書并跋九

年大風儀門及堂署牆垣監獄俱圯令朱和韻建復十年令恩裕

建東西曹房十五年令夏經鎔建西花廳側屋又勸建大堂西財

神殿儀門東土地祠三郎殿二十四年令郭文翹勸建東曹房後

關聖殿二十五年令龔廷玉建箴石亭二十九年令王汝賢以二

堂地勢低窪升高舊址改建廳室而移二堂於大堂後之川堂三

十年又於廳室之東建書室廳室東西建廂房三十一年改建川

堂為二堂內宅亦升高舊址拓基重建內宅天井中建捲棚東西

廂房亦修之西花廳後及預備倉基又建廂房幕室迴廊俱加修

葺獄禁周圍勸建衛所並築圍牆今計大堂南向三間廣四丈四尺深六丈

後為天井廣二丈二尺深三丈二尺左右廂屋各三間進為二堂三間廣四丈三

尺深五丈二尺又後為天井廣四丈四尺深六丈四尺繞以迴廊又進為廳室

舊為川堂今改

奉化縣志

卷二

建置上

六

五間廣六丈三尺深二丈七尺舊為二堂今改又後為內宅舊五間今改建七間廣八丈深三丈五尺前

為天井廣四丈一尺深六丈五尺中為捲棚四間東西廂房各二間又東正屋

四間廂房二間最後為桑園隙地蔽以圍牆至城下路而止 廳

室東為東花廳西向五間書室南向三間廚房四間 廳室西為

西花廳南向五間又南五間以牆界之右側屋三間西花廳東南

廂房二間耳房一間又北為幕室三間廂房二間又西舊預備倉基五

間舊二間新三間大堂東舊為軍器庫康熙改作米廩今為庫胥辦公之所正廳四

間廂屋一間後廳四間廚房二間 大堂西舊為儀仗庫久圯今為財神殿

正屋三間門屋三間又西舊為花廳久圯今為班房五間 大堂前東西列

曹房舊各十間今各九間東曹房後為關聖殿三間西曹房後為監獄

五間見天廣四丈五尺深二丈七尺監獄後舊為存留預備二倉基久廢今西北隅衛屋四間東

北隅一間西南隅二間東南隅一間 大堂南甬道距五丈三尺為箴石

亭又南為儀門三間北距大堂十三丈三尺廣四丈深三丈三寸儀門東為土地祠

三郎殿各三間儀門南舊東西列榜廊各十五間久距十五丈八尺五寸為宣明樓廣一丈七尺

尺七寸深門廣一丈七尺又南為映牆高一丈三尺廣一丈七尺縣丞署在大

堂東北康熙間縣丞何鍾建久圯光緒二十二年丞邵晉仁捐建正屋南向五

間大門當庫胥辦公所之左基地南北三十弓五分東西十二弓典史署在儀門

西南舊榜廊基正屋南向前後各五間前五間西為正廳東為花廳又左前耳房土

地祠後五間東西為上房為廚房地後園牆至前房後牆二丈六尺上

井二丈六尺正廳深二丈四尺五寸前至儀門三丈九尺正廳後天

至外門一丈二尺五寸牆外隙地西牆至上房屋外二丈八尺至

正廳屋外一丈八尺六寸

附錄宣明樓舊名鼓樓又名具瞻樓即縣大門初築土為臺置屋五間置漏鼓以警晨昏下設二門以資啓閉扁曰宣明延祐

間壞知州馬稱德重建事載國史院編修劉致一記永樂中令

裴琚重修事見陳協和王景才二記成化中令曹瀾丞謝啓重

建嘉靖中令陳膏修設鐘於上又令錢璠始創樓三間萬厯間

奉化縣志

卷二

建置上

令賴愈秀重修崇禎間令胡夢泰重修康熙二十二年廢令張

起凡府州縣儀門外更設重門而立焉蓋所以壯威儀備登覽

矣壺漏以定時刻廢鼓角以警晨昏也奉化舊為州譙樓扁曰

宣明樓先時之興廢漫不可考以今觀之建於元至正癸巳

六月知州周公仲厚築土為臺石樓觀之於元通入樓

三間跨其上而兩翼焉自正亥至今上下四旁節稅

之華丹艘之飾咸為風雨飄蠹蝕兩廈先以崩墜正樓

三間薨棟簷宇剝落殘窗欄檻去七八惟數楹頽然

立下以巨木強扶之仰漏日星俯積瓦礫有威儀不稱登覽不樂

司壺漏鼓角者無所安棲往來於其下者有傾壓之懼縣令邯

鄆裴公仲玉視之曰此非吾之職乎然不可擅動將若之何

迺特捐己俸以市材僦工於是羣吏樂從之而好善能成

人之美者李無用率其徒出而贊焉民之助以木者有

者助以力者陶人助瓦梓人助工柱之立者正之崩墜者補之

薨棟簷宇剝落摧毀者易之窗戶欄檻去無存者新之上下

旁節稅之華丹艘之飾斷塗墍煥然新而奇偉宏麗加於往

昔謂威儀邑治為之益肅謂登覽溪山為之益勝壺漏明準鼓

角清嚴司之者各安其棲往來於其下者欣然咸曰非吾縣

令裴公用心之勤能若是耶工始於其下者欣然咸曰非吾縣

壬辰公迺會縣丞鄱陽李公善主簿洛陽公甯暨諸屬官羣

吏及耆儒舉酒而落之以余仕而歸老林泉亦與在席酒行縣

丞李公屬余曰茲樓之役縣令裴公用心之勤能若是耶工始於其下者欣然咸曰非吾縣

丞李公屬余曰茲樓之役縣令裴公用心之勤能若是耶工始於其下者欣然咸曰非吾縣

記願有述余惟天下之事由賢者而興愚者而廢廢而復繼興之可以無愧於前賢矣裴公質直和易恭勤周慎敦尚儒術敬老重賢為令於奉川今年修孔子廟奏築沿海汗岸不使潮汐壞田導斗門鄭家堰河以通連山驛舟與夫鹽糧易鈔夏絲收麥等十餘事及天早禱雨有應良去奸慝凡便民之政靡能具述昔宋張忠定公守金陵延賞為殿直過之忠定公問於途見何好官延賞對以萍鄉縣見市肆整肅夜聞更漏分明邑宰張希賢雖不識面可以知其為好官也厥後忠定公舉而用之況裴公重修其樓而兼有美政之多者乎他日不惟有若忠定公者舉之朝廷必將考績而陞擢之也余於縣丞李公之言不敢拒遂書其實以置之樓上時永樂十一年歲在癸巳秋九月吉旦記 乾隆志

公署

存留倉屋五間南向 預備倉屋五間東向 二倉在縣治內

東倉在縣東六十里求村 西倉縣西三十里 南倉縣南三十

里 北倉縣北三十里

康熙志

置倉儲倉廢而基猶存後人遂以名其地曰倉基蓋因卜築之後官諱公正擇地奉化州見州北地有宦江鄉名長壽者其山有四寶擁護之奇川有四水璇環之異佳麗攢集綺脈交注度其會

奉化縣志

卷二

建置上

八

而誅茅焉當時固未有倉也至明洪武間馬元化為糧長凡近里糧米皆屯聚於此蓋其時始置官倉舊譜所載倉屋規模有云官府居某堂鄉老居某堂里中戚友居某堂制甚宏敞迥非數椽比夫有興必有廢此固事勢之常然古蹟留傳所賴著述者詳為紀載竊怪縣乘中倉儲一門於舊載存留倉預備倉外備紀東倉西倉南倉北倉諸名而不詳其地與制予意北倉者即吾馬氏所居之地也蓋地在縣北倉雖廢而倉基之名固在則因基而考其倉所由建并詳其倉之制度若何舊譜所載不可以補縣乘之闕耶

永濟倉在縣東三百步連山驛基雍正七年令王緯建四十六間

乾隆二十年令陳滋詳請增建二十間

乾隆志

今圯

常平倉元至正元年九月奉省劄遵旨設立穀賤則增價以糴貴則減價以糶隨宜以濟其民令各處將沒官財產係官闕官子粒并入粟補官散濟不盡鈔數從宜舉行將元撥糴糶數目立倉處所每季登答申呈以憑點視至正二年四月報元有鈔

元發本錢九十六錠

三十九兩五錢 沒官贓罰鈔四十五 米 闕官子粒 見糴到六百

兩 闕官子粒鈔二十五錠一十兩

米 闕官子粒

見糴到六百

一十三石四斗五升 見羅到數原本闕今從煙嶼樓校本補至正志

明正統間令龔敬善勸民出穀備荒通得十餘萬石輸之於官爲立義門鐫出穀者之姓名祭酒陳敬宗記之是時受敕旌爲義民者若而人自後續輸銀穀冠帶旌門復若干人內義民三十五人冠帶四十人旌門八人立石六人 以上康熙志並詳孝義姓氏錄

國朝雍正九年令王緯建倉在縣署東乾隆二十年令陳滋增建

二十間 乾隆志 久圯基存

社穀光緒四年知縣蕭世楷奉撫院梅札勸辦積穀仿照江西省章程官立社長倉董隨畷分儲並定出納章程詳准照辦今列各

鄉原捐穀額如左 剡源鄉志曰每石以百觔爲率

坊隅 二畷一百石又一畷一百四十石四斗五升 一三畷三百七十石 四畷一百石 五六畷三百二十四石七斗九升  
一都 一畷一百六十石 二畷一百三十四石 四畷八十石 五畷二百十五石七斗

奉化縣志 卷二 建置上 九

二都 一畷一百四十九石 二畷六十五石

三都 一畷一百七十六石 二畷九十一石 以上奉化鄉

四都 一畷二百七十八石 二畷一百八十八石四斗 四畷一百八十八石四斗

五都 一畷三百二十五石 二畷三百二十五石

六都 一畷一百五十七石四斗五升又一畷一百四十五石四斗五升 二畷二百八十二石

七都 一畷二百石六斗五升 二畷一百九石四斗又一百三十五石

八都 一畷一百六石 二畷一百二十三石五斗

九都 一畷一百九十二石七斗 二畷一百二十五石

十都 一畷一百五十石 以上連山鄉

十一都 一畷一百一十石一斗七升

十二都 一畷一百一十石

十三都 一畷七十一石 二三畷一百四十五石

十四都 一畝一百石  
二畝二百石

十五都 一畝一百石一斗七升  
二畝一百二十五石

十六都 一畝一百四十石四斗六升  
二畝二百石

十七都 一畝一百五十四石五斗二升  
二畝一百四十九石

十八都 一畝一百十石  
以上松林鄉

十九都 一畝二百石 忠義鄉志倉二各存一百石  
二畝一百四十石

二十都 一畝一百二十一石

二十一都 一畝二百二十六石三斗二升 鄉志倉二  
二畝一百七十一石三斗 鄉志倉二

二十二都 一畝四百八石 鄉志倉三

二十三都 一畝三百八十石 鄉志倉四

二十四都 一畝一百九十石 鄉志倉二  
二畝一百三十二石六斗

二十五都 一畝三百二十九石 鄉志倉二 二畝一百八石二斗  
六升 三畝九十八石三斗四升

奉化縣志

卷二

建置上

十

二十六都 一畝一百四十四石八斗 二畝一百三十六石六  
斗八升 三畝四十五石

二十七都 一畝八十六石  
以上忠義鄉

二十八都 一畝三百五十一石四斗 二畝一百二十石四斗  
三畝六十一石一斗

二十九都 一畝一百三十石又六十石

三十都 一畝一百七石五斗六升 二三畝一百七十七石八  
斗七升 四畝八十八石

三十一都 一畝二百石二斗六升

三十二都 一畝二百石

三十三都 一畝七十九石三百六十七石二斗 二三畝三百三十  
石四畝七十石 五六畝三百七十七石七斗八畝

八十七石一斗  
十畝四十石  
以上金溪鄉

三十四都 一畝三百五十五石二斗七升 二畝九十石三畝  
二百十五石 四畝四十四石 五畝二百二十

石 七畝一百六十五石

三十五都 一畝四十五石 二畝七十八石 三畝八十八石 四畝  
一百五十五石 五畝九十八石 六畝九十八石 八畝

六升

三十六都

一畝五十五石 二畝一百石 三畝一百二十石 四

三十七都

一畝六十五石 二畝二十七石 三畝二十七石 五畝七十四石

六畝二十六石 四斗六升  
七畝九十一石 一斗

三十八都

一畝五百七石 二畝二百七石 五斗 二畝一百石

以上長壽鄉

三十九都

一畝一百石

四十都

一畝一百三十石 二斗又七十石 三畝六十三石

四十一都

一畝六十石 二畝一百三十四石 四斗

四十二都

一畝五十石 二畝七十石

四十三都

一畝一百七十九石 八斗九升

四十四都

一畝一百三十三石 又一百二十四石

四十五都

一畝一百石 二畝六十石

奉化縣志

卷二

建置上

十一

四十六都

一畝一百十石

以上禽孝鄉

四十七都

一畝一百六十三石 五斗 剡源鄉志八村

四十八都

一畝一百五十七石 八斗 二畝一百二十六石 五

四十九都

一畝二百四十二石 五斗 二畝一百八十二石 五斗

五十都

一畝二百七十石 二斗 鄉志十一村

五十一都

一畝二百八十五石 五斗 鄉志四村

五十二都

一畝一百九十石 四斗 鄉志六村 二百三十五石

以上八鄉原捐穀額共一萬九千二百六十六石二斗九升

知縣蕭世楷稟准出納章程一建造倉屋需費甚鉅現將是  
項穀石在就近祠廟內揀擇堅固房屋存儲但必須高鋪地欄  
修整門窗板壁或仿照民間木櫃儲穀之法置造大櫃以免溼  
氣蒸染一現在倉董一二名或三四名不等如有出外遠  
行者或託同事兼理或另舉妥人均聽其便一是有項倉穀每  
年春間如有窮苦農民缺少籽種准其覓具五人是保寫立借  
保名狀向倉董借領如種田一畝准借穀一斗以十月底為限本  
息併

還逾限不還稟官究追互保人分賠酌不准借借戶姓名穀  
人是否可靠應否借給均聽倉董斟酌一倉穀如無人借領准  
數每年五月截止由倉董開單報縣一倉董領存官不  
由倉董於青黃不接之時查價酌糶其錢由倉董領存官不  
用仍俟秋後買補還倉後如秋間價昂准俟價平再買未  
蓄備一倉穀糶出之後如秋間價昂准俟價平再買未  
補以前不准再糶以備凶荒一存倉陳穀每年每石准支折  
耗穀三升並准酌支賑辛工統在所收息穀內支銷如無人  
借穀即無息可收所需折耗工准在本穀內支銷或出陳易  
新價有盈餘即在餘價內支銷惟借後收還之穀及糶後買  
之穀均屬當年新穀不得開支折耗一倉穀存貯祠廟倘有  
損漏應由祠廟公款修理不得開支倉穀以倉董五年無過  
之外每鄉另設總董一二名以資稽察一倉董五年無過由  
縣給扁獎勵一總董倉穀為備荒而設永歸紳董經管地方  
官永不提用胥差不經手一大荒之年本莊之穀即濟本  
莊之貧臨時稟縣請示辦理一倉穀既准酌支折耗及  
瞭曬辛工應令經手倉董勸殷富或祠廟眾酌捐  
補苴總期現在捐成之穀有增無減以實倉儲

案曰社穀備荒法良意美然今論者咸苦其弊何也倉穀出  
納易滋捐耗各鄉經董良莠不齊良者或被盤詰傾家破產  
視爲畏途莠者藉飽私囊輾轉遷移莫能究詰此弊在民也

社穀定章官不提用然派委稽查動索輿馬以需索之有無  
爲社穀之存亡此弊在官也弊在民易去在官難去故以奉  
化一縣積穀不過二萬石而綜計累年委員之夫馬衙署之  
訟費其數不啻百倍是利一而害百矣且此二萬石之穀偶  
值凶年仍無散賑之實蓋穀經官案倘或散去必仍責董事  
者捐補而後已彼董事者能勝其責乎故社穀至今日爲豪  
強之私橐衙蠹之利源而於鄉民幾無毫髮之益而有贅疣  
之累也然則去之而後可乎曰否去其名而存其實則有利  
而無弊矣今計奉化一縣其公產之殷實者莫過於各村之  
祠廟若舉現存社穀就地撥入積息置產相附而行偶值凶  
年設法賑濟則豪強無慮侵吞而官府可無查詰即賑荒亦  
較有實濟更推而廣之祠廟之公產既富積穀較多若以甲

年之穀遲至乙年四五月間青黃不接之時零星平糶倘值  
凶荒更舉社息之贏酌宜散給則其利之溥豈區區二萬石  
之社穀所能比哉

煉西氏社倉詩大吏檄下小吏忙勸輸社穀備年荒時維光  
緒戊寅歲邑侯蕭公履城鄉城鄉義士亦踴躍繆未雨謀  
蓋藏大村特立小村附五里十里項相望餘聊當鼠雀食  
出陳入新歲為常稽漢五鳳歲豐穰鱗原高下雲屯黃穀石  
五錢農失利拜手上言耿壽昌穀賤增價貴則減其後乃有  
常平倉良法美意自千古遂為社穀之濫觴自漢以來用一  
例歲久不免滋流弊浙東提舉朱文公始請於府定其制夏  
散冬斂若循環加二起息當會計小歎半蠲大饑除立法良  
簡人稱便行之一十有四年元米六百息三千自是出貸不  
收息水毀木饑民命全法本無弊得人理賣穀買田何取爾  
太歲著雍閏茂年粒米幾與顆珠似持錢欲買買不得如待  
西江救鮒死十倉九空可奈何違行往占天水長官耳目  
慮難周官書下縣實事求小吏捧檄履勘輿馬喧擾父老  
愁不論社倉虛與實但得青蚨便可休穀蠹猶可民蠹烈鳴  
呼此為社  
穀蠹賊尤

校士館縣治東北本察院舊址道光十八年知縣蔣士祺勸建頭

奉化縣志

卷二

建置上

十三

門儀門大堂各三楹宅門正廳各五楹後樓三楹案後樓今圮頭門外

東西序各六楹儀門外東西各五楹案頭門外西六楹儀門外各五楹今均圮正廳前

東西各三楹由大堂至儀門兩旁為東西文場可容千餘人外有

鼓吹亭東西轅門以及庖湢等亦不下十餘楹垣墉崇峻棟宇宏

深望之奧如計費二萬餘金正廳祀蔣公以邑人周炯言汪祖經

宋可堂張兆賡周珮戴巨林配享皆當時勸捐董建者何文耀經始碑記

咸豐十一年粵匪陷城館屋多毀八鄉分修之同治五年知縣莊

鳳威撥入屯田四十三畝五分一釐屯地六十九畝零以資經費

光緒癸未大風館屋多毀募修之有民田二十二畝八分廣渡隄

田五畝二分光緒三十一年 詔罷科舉由縣稟准大憲併為縣

立中學堂

附奉化試館在杭州下城仁和縣界平安三圖隨字號堯平巷



地契四紙 一賣主陳富仁坐落土名仁邑平安三圖隨字號  
 堯平巷地三分價銀十兩契尾布字七千九十四號 一賣主  
 吳蔣氏坐落土名同上地七釐價銀八兩契尾七分價銀三千九十二號  
 一賣主張維烈坐落土名同上地一畝五分價銀三十四兩契  
 尾七千九十三號 一賣主吳成烈坐落土名同上地四畝一  
 分六釐五毫價銀百兩契尾七千九十五號


奉化縣志


卷二

建置上

十五

奉化試館地圖





奉化縣志

卷二

建置上

十六

附廢署 公宇附

明察院在縣東舊為按察司分巡之所舊志地本倉基又為縣尉廳洪武十二年設奉定分司縣丞趙得順建十四年令高仲達增置十五年改為按察分司嘉靖間令錢璠建布政分司於

學東此地竟名察院

原注正廳三間從屋各一間後堂及東西廊各五間廚房內門外門各三間東西

二十一步南北長六十一步共地五畝三分三釐七毫案嘉靖府志中為正廳凡五間東西列廊房五間廳後為堂凡五間堂之東側庖舍凡三間前為露臺為儀門為大門與二志稍異後改為校士館詳見學校

明按察分司在布政司右嘉靖元年令吳櫝以浙東分巡無署易告成寺地環築為牆建大門未就而去十三年令錢璠始創屋宇為兩司駐節大門二門各三間正廳及廂房各三間本司址東西闊一十七步五分南北長四十二步共地三畝六釐二毫

明布政分司在縣東一里舊三皇廟洪武初廢宣德十年縣丞

黃甯創建嘉靖十四年署縣事通判張源令錢璠重修制與按

察司同案嘉靖志正廳五間兩廊各四間與此稍異本司址東西闊三十五步南北

長六十一步共地六畝四分七釐四毫以上康乾志

明公館在告成寺前中為正廳凡三間左右從屋各三間東西

列廊房各十間外為大門正統中縣丞黃甯建為府官行縣之

署嘉靖志

宋丞聽事縣治東南十步 主簿聽事縣治之西有堂曰棲鸞

西北有山亭 尉聽事縣治南 酒稅務聽事縣東北四里鎮

東樓之北大中祥符六年建 教場縣尉廳前 公塘巡檢司

聽事縣西北三十里公塘市中舊地名高公塘唐文德元年置

鎮民戶買撲名課管納官錢熙甯二年添置巡檢駐劄巡捕私

奉化縣志

卷二

建置上

十七

茶鹽警盜賊等事慶元四年罷鎮稅止存巡檢

寶慶志 案延祐志公塘巡檢

司在州西四十里剡源鄉五十一都至正志在州西北

宋鮎埼鎮監官鎮在縣南六十里即漢鮎埼鎮也監官聽事在

袁村市中

宋鮎埼寨巡檢寨在鎮北五里聽事在漂溪

原注嘉定七年尚書劄節文白劄子

奉化縣管下地名戰埼袁村皆濱大海商船往來聚而成市十

餘年來日益盛邑人比之臨安謂小江下去縣五六十里南

隔山嶺海濱習俗素悍富者開團出船藏納亡賴強招客販貧

者奪攘鬪毆雄霸一方動致殺傷縣道前來擇有事力者委充

陳長未能借之鈴束反以資其武斷前任趙知縣曾具申諸司

乞置巡檢一員在彼彈壓愚意諸若差委員武官反與豪徒為

市欲乞效東陽例增置縣委一員本處有敗闕坊場令本府給

本就委所置官措置興復趁辦課額之外其餘以贍吏兵既可

以防海道亦可以鎮獮俗右劄付沿海置司從長相度申尚

書省時提刑陳覃攝事申契勘慶元府在城都酒務有監官六

員內文資四員武資二員若據向來置比較務瞻軍係省三務

各立二員分管酒額固不為冗後來既將三務併而為一總納

名課所謂六監官因循到今不曾減省委為贅濫及照得本府

石門外有都巡檢一寨額管軍兵一百二十人本地分既不邊

海止是城外巡警鄉村盜竊及承受追會事件而已此來欲乞  
朝廷割下本府於城下都巡檢寨分撥土軍五十名移屯戰  
只就開禧年間踏逐到漂溪職租地起蓋軍房以慶元府戰  
巡檢寨為名仍於都務監酒內選撥有材能文武官各一員並  
存監酒舊銜內文官帶兼管戰令慶元府奉化縣置戰兼充戰  
巡檢十二月二十八日奉聖旨令慶元府奉化縣置戰兼充戰  
從事郎吳邦憲改差監戰府酒官六員內省罷兩員已差人並  
差戰塙監鎮巡檢其慶元府酒官六員內省罷兩員已差人並  
令赴吏部別行注授今後戰塙監鎮巡檢令吏部依條格使闕  
餘依是年於漂溪置軍房天王堂門樓射亭共五十五間巡檢  
廡宇一十四間戰塙本結塙因白劄子誤  
為戰塙續申請正舊名以上寶慶志  
元為司至元間燬  
里松林鄉十七都至正志同  
明洪武元年重設置在縣東六

十里中為聽事凡三間後為堂凡三間左右為從房各三間外

為總門

嘉靖志

元連山巡檢司在州西南一十五里連山鄉五都

田下巡檢司在州東南百里忠義鄉二十三都

案延祐志作二十五都誤

柵墟巡檢司在州南二十五里松林鄉十五都

奉化縣志

卷二

建置上

十八

東宿巡檢司在州東七十里忠義鄉二十四都

以上延祐志參至正志

明塔山司署在縣東百里中為聽事凡二間東西廊房各二間

後為官廡凡三間外為總門

原注嘉靖甲午令錢璠創復三十年令蕭萬斛改建於湖頭渡

嘉靖志 袁大誠有新置湖頭巡司碑記詳兵制

明稅課局洪武元年置隨廢商稅仍隸於縣

案寶慶志酒稅務縣東北四里

連山驛署縣東三百步唐名剡源驛在大溪東宋燬咸淳三年

葉夢鼎鎮明州建奉川驛元因之有戴表元劉仁本記至明洪

武十二年重建改今名嘉靖十三年令錢璠將告成寺地徙置

社學於東偏而改建為驛大門三間正廳五間左右廂房六間

後堂六間今久圯改添倉屋本驛地東西前闊一十四步後闊

一十步五分南北長三十一步四分共地一畝六分二釐

戴表元奉川驛記浙江東行數百里將窮而為海也其州曰明州明州之海益東而南行數十里江之支流亦窮而山興焉其

為縣曰奉化奉化阻難行者病之凡西人之形望於明州雖最高而  
土壤峭瘠津塗阻難行者病之凡西人之形望於明州雖最高而  
之辭陸而欲西至者皆失其便故濱浙之塗通置船官騎廐而  
奉化無有盛時政役之所不加王人使客之所罕至其館置疏  
先王統一畧之勢有不可得而設也然近世事繁難於古前  
闊非意故畧之勢有不可得而設也然近世事繁難於古前  
泣縣者嘗廬創隨作隨廢會聘問發召期集之事節傳來  
至則寓諸民廬喧隘擾雜客主交愧焉今令襄賁丁侯濟之來  
喟然歎曰是不可久且每至而煩民吾何安焉乃相土度材得  
廢址之在官者成屋之當規為驛者于民廩之東崇拓而增營  
之風雨蒿萊之場塵煤螢燐之區忽焉而垣闔具軒寢立先是  
主簿李君大用實倡其畫及是二丞王君澤白君龍志同議諧  
功用大集計屋之楹至於百有五十計工至於八百計日至於  
七十而官與民俱不知其勞起事於季秋庚戌訖工於仲冬己  
未驛成因其故名之曰奉川曰吾以存國俗名其堂曰德星  
曰吾以賓賢德噫嘻美哉於是縣人樂侯之成嘉侯之勤者相  
與過余而謀曰茲事子不可以無記余惟侯之可紀者眾以余  
之為民於茲邑自侯下車見其當兵燬之餘日夜與其同僚彌  
其缺敗振理頹廢昔之撤牆夷竈而逋亡者今皆歸尋其廬有  
居處之樂而侯之所興築若廟學亭治賦鰾之局榮社之壇蔽  
獄無一役不矜乎民凡以圖久安而除其數害有古循良吏之  
愛則吾父兄子弟宜不可以泯滅不著夫紀當世賢大夫之功行  
而推考其里俗山川風土之盛衰興廢此儒者之職也余不敢

奉化縣志

卷二

建置上

十九

辭遂以為記至元二十九年歲  
在壬辰後六月望 剡源集

邊紳奉化驛詩倦馬投荒驛征袍照遠津壤分秦縣古民帶  
禹風洄落日猿聲苦東風麥氣春舊遊相識盡吾亦白頭人

明驛丞衙在驛堂左寢室三閒廊房三閒本衙地東西闊一十

步南北長一十九步東至按察司西至告成寺地南至大路北

至告成寺田共地二畝六分四釐屋廢址存原注造船楫為站

鋪夫一十名鋪陳一十副每五年鋪戶領價製造一十副送縣  
印發為上房其前五年者為下房新舊共二十副 以上康乾

志 案寶慶志剡源驛縣東北五里驛前即航船埠也  
温台步來者即此而登舟明越舟來者至此而出陸

宋龍津館縣東北四里西市之東惠政橋之西臨大溪側嘉定

中令馮多福建

宋登陸館縣東三里市南門之側令馮多福建孫興公賦登陸

則四明天台故取以名以上寶慶志 案康乾志作登陸亭  
宋嘉定間令馮多福創建有記今廢

明西店驛縣南六十里接台州甯海縣境明洪武中信國公湯

和巡海過此因連山驛與白嶠驛相距一百三十里迎送為難

二十年增置樓門三間中門一座前廳三間後堂三間名清意

軒廊房各三間驛丞衙在正廳右原注鋪夫八名水夫四十一名鋪陳五副製造與連山驛

同新舊共一副久圯

宋金鐘館縣東北一十里宋咸淳中參政葉夢鼎鎮明州建以上

康乾志案延祐至正二志金鐘鋪在州東北一十五里奉化鄉一都嘉靖志金鐘鋪縣北一十里互有異同

明接官亭在慶登橋東舊北五里名迎恩亭正統閒令周銓建

架樓紵以垣設門守之嘉靖中令錢璠徙今址其地東西闊八

步南北長九步共地三分今為關聖殿康熙志

宋縣鋪北至南渡鋪二十五里南至雙溪二十五里寶慶志原為

大橋鋪元初在州東五里延祐七年春遷州治前鋪屋三間延祐

至正二志

### 奉化縣志

### 卷二

建置上

二十

明總鋪在縣西原注舊在惠政橋東名大橋鋪洪武三年徙今處嘉靖志案與延祐志七年遷州治前異

或元末復徙大橋洪武初再徙縣西也 國朝在縣前司兵五名乾隆志

金鐘鋪縣北一十里在一都詳前金鐘館

宋南渡鋪北至北渡鋪二十五里原注內五里折江寶慶志元日廣濟鋪

至正志州東北二十五里長壽鄉三十六都延祐志俱作縣北二十里

陳橋鋪州東北三十五里長壽鄉三十四都延祐志案至正志東橋鋪即陳橋

鋪在鄞縣或當時遷置鄞地歟嘉靖志康乾志縣北三十里

常浦鋪州東北四十五里長壽鄉三十五都延祐志嘉靖志縣北三十里

以上本路鄞縣路至正志四鋪各司兵四名乾隆志

龍潭鋪州東南十里奉化鄉三都延祐志嘉靖志縣南十里舊在大溪

東成化閒水壞徙溪西 今廢康熙志

尙田鋪州東南十五里松林鄉十三都延祐志至正志在州東嘉靖志縣東二十里

康乾志縣南一十里

雙溪鋪北至縣鋪二十五里南至固海鋪二十五里實慶志在松

林鄉十五都延祐志嘉靖志縣南三十里康乾志縣南二十里

方門鋪州南三十五里松林鄉十五都延祐志嘉靖志縣南四十里康乾志縣南三十里

里十

山隍鋪州南四十五里松林鄉十六都延祐志嘉靖志縣南五十里康乾志縣南四十里

里十

柵墟鋪州南五十里松林鄉十六都延祐志嘉靖志縣南六十里康乾志同

以上台州甯海縣路至正志五鋪各司兵四名乾隆志

案寶慶志又有北渡鋪北至鄞縣櫟社鋪二十五里固海鋪南至台州甯海縣界海口鋪二十五里嘉靖志縣南儒學右有巡警鋪一所舊志皆未詳蓋久廢矣乾隆至今驛制未改而右列各鋪俱已無存故併列於此以備參攷

奉化縣志

卷二

建置上

二十一

宋居養院縣東北元符二年六月建 安濟坊縣東北五里崇

甯二年九月建以上寶慶志公宇